



Allahov Poslanik, sallallahu alejhi ve sellem, jednom je prilikom izašao pred nas pa smo ga upitali: 'Allahove Poslaniče, znamo kako ćemo na tebe donijeti selam, ali kako da na tebe donosimo salavat?'

Abdurrahman ibn Ebi Lejla je rekao da se susreo sa Ka'bom ibn Udžreom, pa mu je kazao: "Želiš li da ti dadnem poklon?" Allahov Poslanik, sallallahu alejhi ve sellem, jednom je prilikom izašao pred nas pa smo ga upitali: 'Allahove Poslaniče, znamo kako ćemo na tebe donijeti selam, ali kako da na tebe donosimo salavat?' Poslanik nam kaza: 'Recite: 'Allahumme salli 'ala Muhammedin ve 'ala ali Muhammed, kema sallejte 'ala ali Ibrahime, inneke Hamidun Medžid. Allahumme barik 'ala Muhammedin, ve 'ala ali Muhammed, kema barekte 'ala ali Ibrahime. Inneke Hamidun Medžid. (Allahu, donesi salavat na Muhammeda i njegovu porodicu kao što si ga donio na Ibrahimovu porodicu. Ti si, uistinu, hvale dostojan i veličanstven. Allahu, dadni beričet Muhammedu i njegovoj porodici kao što si ga dao Ibrahimovoj porodici. Ti si, uistinu, hvale dostojan i veličanstven.)''

[Vjerodostojan] [Muttefekun alejh]

Ashabi su upitali Allahovog Poslanika, sallallahu alejhi ve sellem, o tome kako da donose salavat na njega nakon što donesu selam prilikom učenja "ettehijjatu" u namazu. Poslanik im odgovori da će to raditi na sljedeći način: "Allahumme salli 'ala Muhammedin ve 'ala ali Muhammed." (Allahu, donesi salavat na Muhammeda i njegovu porodicu) To jeste, pohvali ga u odabranom i uzvišenom društvu, a isto tako i njegove sljedbenice i vjernike iz njegove porodice. "Kema sallejte 'ala ali Ibrahime." (Kao što si ga donio na Ibrahimovu porodicu.) Kao što si počastio blagodatima Ibrahimovu porodicu u koju spadaju: Ibrahim, Ismail, Ishak, njihovi potomci vjernici i sljedbenici. Isto tako, počasti i Muhammeda. "Inneke Hamidun Medžid." (Ti si, uistinu, hvale dostojan i veličanstven) Ti si hvaljen radi savršenstva Tvog bića, Tvojih svojstava i djela. Osim toga, Tvoja veličanstvenost, vlast i darovi su ogromni i prostrani. "Allahumme barik 'ala Muhammedin, ve 'ala ali Muhammed, kema barekte 'ala ali Ibrahime." (Allahu, dadni beričet Muhammedu i njegovoj porodici kao što si ga dao Ibrahimovoj porodici) To jeste, ukaži mu najveće vidove počasti i dobra, povećaj mu ih i učini ih postojanim.

النجاة الخيرية
ALNAJAT CHARITY

